



Erik Jensen – Inatsisartunut ilaasortaq, Siumut

Sisimiuni Saviminilerinermik Ilinniarfik nutaaq pillugu § 37 tunngavigalugu apeqquut

§04-07-2025
Suliap normua: 2025-14473
All. nr. 25531340
Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Erik Jensen

Inatsisartut suleriaasiat naapertorlugu apeqquutinnut qujanaq. Apeqquutigineqartut tullinnguuttuni akissuteqarfigissavakka.

Apeqquut 1:

Sisimiuni Saviminilerinermik ilinniarfimmik nutaamik sananissamik pilersaarut Naalakkersuisut suli attappaat?

Akissut:

Sisimiuni Saviminilerinermik Ilinniarfimmik nutaamik pilersitsinissamut pilersaarut maanna Naalakkersuisunit ingerlateqqinneqarpoq, pilersitsinissarluni suli pilersaarusiorneqarluni.

A. Ilasutissartaa qanoq angitigissava?

Akissut:

Saviminilerinermik Ilinniarfiup angissusaa pisariaqartitsinermut misissueqqissaarnermik tunngaveqarpoq, misissueqqissaarnerlu pilersaarusiornermut aamma tunngaviliilluni. Ilinniarfik 8.800 m²-it missaanik angissuseqassasoq naatsorsuutigineqarpoq.

Apeqquut 2

Pilersaarut suli attanneqarsimappat pilersaarusiorneq maannamut sumut killippa?

Akissut:

Pilersaarusiornermi sumut killittoqarnerseq eqqarsaatigalugu tamakkiisumik siunnersuisussarsiornissaq maanna aallartisarneqareerpoq.

A. Pilersaarutip naammassinissaanut piffissalersuutit qanoq isikkoqarpat?

Akissut:

Sanaartornissap naammassinissaa tunngaviusumik aalajangiinermi piffissalersukkat naapertorlugit ingerlapput, tassa imaappoq, sanaartorneq 2030-mi naammassissasoq naatsorsuutigineqarpoq.

B. Qanoq annertutigisumik nutaamik sanaartortoqassava?

Akissut:

Sanaartorneq nutaaq saviminilerinermi ilinniarfimmi ininik nutaalianik ullutsinnullu naleqquttunik tapersersuissaaq. Tamatuma saniatigut init ataatsimoorfiusinnaasut, soorlu nerisarfik uninngaarfissallu, KTI campusimut takorluukkanut naapertuuttut pilersinneqassapput.

C. Ilinniartut inissaat pilersaarutini aammalu aningaasalersornissaat ilanngunneqarpat?

Akissut:

Ilinniartut ineqarfiinik nalinginnaasunik sanaartornermi immikkoortut pingajuannut atatillugu pisariaqartitanut misissueqqissaarnermi Saviminilerinermut Ilinniarfik nutaaq ilaanngilaq, ilinniartunullu inissanut pisariaqartitat aningaasaqarnikkut aamma qulakkeerneqaratik.

D. Qaqugu siunnersortinut suliariumannittussarsiuunneqassava?

Akissut:

Akissutini immikkoortoq 2a-mut innersuussisoqarpoq.

Apeqqut 3:

Pilersaarut suli attanneqarsimappat, sanaartornerup qaqugu aallartissinnaanissaa Naalakkersuisut naatsorsuutigaat?

Akissut:

Piffissalersuinerit naapertorlugit sanaartorneq 2027-p qiteqqunnerani aallartinneqassasoq naatsorsuutigineqarpoq.

Apeqqut 4:

Naalakkersuisut qanoq isumaqarfigivaat Sisimiuni Sanaartornermik Ilinniarfiup nutaamik allilerneqarneratigut Issittumi sanaartornermut qaffasissumik ilinniarfiup pilersitsiviginissanut (Arctic Technical University School/College)?)

Akissut:

Sisimiuni Sanaartornermut teknikikkut ilinniarfiup allineqarnera Issittumi sanaartornermut qaffasissumik ilinniarfimmi (Arctic Technical University School/College-imik) pilersitsinissamik kinguneqassasoq Naalakkersuisunit maanna

pilersaarutigineqanngilaq. Siunissamili ungasinnerusumi taamaattumik
pilersitsisoqarnissaanik Naalakkersuisut akerliunngillat.

Apeqqut 5:

***Sanaartornissap aningaasalersornissaanut aningaasat pisariaqartinneqartut
qanoq isikkoqassagunarpas?***

Akissut:

Sanaartugassanut missingersuutiniq sulii suliarinnittoqarnikuunngilaq. Kvadratmeterimut
akit 35.000–45.000 kr.-t akornanniinnissaat naatsorsuutigalugu sanaartornermut akit
katillugit 352 mio. kr.-t missaanik annertussuseqassasut missiliutigineqarsinnaavoq.

Inussiarnersumik Inuulluaqqusillunga

Med venlig hilsen



Nivi Olsen

Naalakkersuisoq